

广东通志

一

二

三

四

廣東通志卷二百十六

甲子重刊

古蹟畧一

城址一

廣州府

南海縣

番禺故城通歷周夷王八年楚子熊渠伐揚越自

是南海事楚有楚亭

亦作庭

舊圖經廣州城始築自

越人公師隅號曰南武吳越春秋闔閭子孫避越

嶺外築西武城後楚滅越越王子孫避入始興今

師隅脩吳故南武城是也秦以任囂爲南海尉初

居瀧口西岸俗名萬人城旣乃入治番山隅因楚

亭之舊俗謂之任囂城又相傳南海人高固爲楚

威王相時有五羊銜穀穗於楚亭遂增築南武城
周十里號五羊城及趙佗代囂益廣囂所築城今
謂之趙佗城漢平南越改築番禺縣于郡南六十
里爲南海郡治今龍灣石壩之間也號趙佗城亦
曰越城後漢建安十五年步騭爲交州刺史廓番
山之北爲番禺城後又遷州治于此自是不改城
塚記郡南城步騭遷州時規制尙隘唐廣明間爲
黃巢所焚天祐間清海節度劉隱更築鑿平禺山
以益之宋慶厯四年經畧使魏瓘增築子城周五
里皇祐四年儂智高寇廣州不能陷命瓘再知廣
州瓘復環城濬池築東西南三門甕城熙寧三年

經畧使呂居簡議脩東城未果轉運使王靖城之
袤四里合於子城明年經畧使程師孟築西城周
十三里紹興二十二年經畧使方滋脩中城及東
西二城以禦寇嘉定二年經畧使陳峴以南城闌
闌稠密無所捍蔽乃增築兩翅以衛民居東長九
十丈西五十丈又謂之雁翅城紹定六年經畧方
大琮增脩端平二年開慶元年皆嘗葺治景炎三
年蒙古攻廣州州將張鎮孫以城降明年蒙古毀
天下城隍廣州城獨無恙洪武三年因舊壘脩葺
十三年永嘉侯朱亮祖等以舊城低隘乃改築府
城連三城爲一東北包粵王臺山北連馬鞍至於

白雲山之麓岡阜相連不斷又建五層樓于北城
上高八丈名鎮海樓稱為雄勝

方輿紀要

謹案顧氏之說本諸戴黃二志所引通歷
乃唐馬總所著熊渠伐揚越事見史記楚
世家其文云熊渠興兵伐庸揚粵至於鄂
索隱曰有本作揚雩據記文與注則揚雩
當在房鄧之間乃江上楚蠻之地未必是
今之粵東也通歷世無足本不可考矣圖
經所云公師隅事吳越春秋越絕書皆無
此文他書亦無佐證疑以存疑錄之備考

趙佗故城在縣西二十七里即尉佗所都也

元和郡縣

志

陸賈故城在縣西十四里賈之來也佗不卽前賈故爲城以待之

盧循故城在縣南六里

俱同上

在州南岸狀如方壺

番禺新志在郡南十里與廣州隔江相對今故堞

隱然

輿地紀要

南漢時以爲倉廩人呼爲劉王廩循子

孫留居之爲盧亭蟹戶

黃志

咸寧廢縣

南漢置

在南海西

一統志

大清

謹案太平寰宇記南漢析南海爲常康咸

寧二縣蓋劉龔嘗言家本咸秦耻爲蠻長

郭志謂南漢析置常康咸寧以擬長安是

已

番禺縣

任囂城在縣東二百步宋時爲鹽倉後併入東城

黃志

番禺廢縣秦舊縣故城在今縣西南二里縣有番禺二山因以爲名或言置在番山之隅開皇十年改置南海縣卽今縣是也長安三年于江南洲上別置番禺縣其洲周迴約八十里

元和郡縣志

宋開寶

元至治中始徙治城內

方輿紀要

懷化廢縣

晉置

在縣東南

大清一統志

謹案水經泯水注泯水東逕懷化縣入海

卽此方輿紀要云在府東北誤也

熙安廢縣

劉宋置

在縣東南

順德縣

龍潭城在縣西五十里元末土酋盧實善據此與

何真角立築土城以自固延袤千有餘丈明正統

末黃蕭養復據此亦名千人聚

俱同上

東莞縣

東莞故城在大朗村東

黃志

寶安廢縣

晉置

在縣南二百五十里

方輿紀要

新安縣

東莞故城在新安縣東九域志宋書州郡志東官

郡故司鹽都尉晉咸和六年置元和志本漢博羅縣地隋開皇十年郡廢屬廣州唐至德二載改曰東莞取舊名也九域志開寶五年省入增城六年復置有東莞鹽場蓋改置縣於北境而以故址置場明洪武中復分東莞置東莞守禦千戶所築城在縣南之十都海濱一名南頭城舊東莞志東莞故郡卽東莞場又有故縣在場之北城子岡坡勢如城卽今東莞千戶所萬厯元年始於東莞所置縣曰新安縣志城子岡在今縣東門外

大清一統志

蕪城郡國志東官郡有蕪城卽吳時司鹽都尉壘

太平寰宇記

謹案黃志云東莞故城一在東莞場北郭志云寶安縣唐至德二年更名東莞徙治到涌卽今治洪武初於城子岡舊治置守禦千戶所萬厯元年改爲新安縣據此則黃志東莞場北故縣卽今新安縣治郝志仍繫東莞誤黃志又云東莞故城在東莞縣大萌村不知何以有二也豈一爲縣一爲郡耶司鹽都尉宋書州郡志作司監都尉寰宇記作司鹽都尉後人因東莞有鹽場遂謂當作司鹽然州郡志云司監都尉治若爲鹽官不得云治也考百官公卿表

監御史秦官掌監郡又曰郡尉秦官景帝
中二年更名都尉後漢書每屬國置都尉
一人本注曰凡郡國皆掌治民進賢勸功
決訟檢姦都尉之職如此不聞治鹺政也
蓋吳承漢制稍變其名爲司監都尉耳

增城縣

增城故城崑崙山上有閬風增城蓋取美名也

元和

郡縣志

因增江爲名

寰宇記

在縣東北五十里唐末移

於今縣東北十里九岡村後又移今治

大清一統志

一在開元鄉金牛都一在九岡村今爲民居

黃志

綏寧廢縣

劉宋置

在縣西南四十里今爲綏寧鄉

縣志

香山縣

香山故城在城南宋紹興二十三年以香山鎮置縣元末縣尹孕羅反移縣治古寨山洪武初遷復二十六年置香山守禦千戶所改築故址爲軍營

黃志

香山鎮卽宋金斗鹽場在縣南一百五十里地名濠潭舊爲金斗鎮屬東莞紹興改爲香山場後遷于前村址廢同上新會縣

廢岡州廣州記四會有金岡新會卽岡州在側因

岡爲州名也

輿地紀勝

盆允故城

劉宋置

在縣北

大清一統志

二十里

縣志方輿紀

要在縣東

新夷廢縣

吳曰平夷晉改名

在縣西四十五里

方輿紀要

宋元廢縣

劉宋置

在縣東北

同上

封樂廢縣

劉宋置

在縣西北

大清一統志

義寧廢縣

劉宋置

在縣西南三十里天臺村今為民

居

黃志

謹案義寧宋徙治東溪今為開平縣地見

後

三水縣

三水鎮在縣南

大清一統志

昆都山宋置戍于此

縣志

屬高要縣九域志明嘉靖五年割南海三都高要十

都置縣於白塔村之龍鳳岡取古三水鎮為名縣志

清遠縣

尉佗萬人城在漢中宿縣北隕山黃志

五婆城在清遠縣東北橫石司側大清一統志相傳

有五節婦共築故名縣志

謹案五婆城凡二見一在清遠一在英德

彈子磯考輿地紀勝武婆城在興寧縣西

二里當五代擾攘武婆糾合村落屯堡自

衛疑五婆乃武婆之誤後人展轉傳會也

中宿廢縣漢志在縣西北六十里池水鄉大清一統志

在政賓鄉有政賓江

縣志

謹案寰宇記中宿峽在清遠縣東三十五

里縣以此得名又黃志方輿紀要並云隋

改中宿為政賓縣移東官郡治焉無明文

可證

威正廢縣

陳梁時置

在縣西北

一

大清統志

有威鎮山在

縣西南故威政縣在其側

縣志

花縣

從化故城在縣西南明宏治二年置從化縣康熙

二十二年巡撫李士楨疏言番禺南海三水清遠

英德從化等縣錯壤之所有花山去府不滿百里

為官民孔道須設縣治二十四年給事中王又旦

又疏之

詔可取花字為名云

大清一統志

韶州府

曲江縣

曲江故城在今曲江縣西

同上

昔號曲紅曲紅山名

也東連岡是矣

水經注

江流迴曲因以為名

元和郡縣志

漢城在東蓮花嶺下隋城在武水西宋初於此置

錢監

黃志

謹案隸釋周憬碑曲江作曲紅熊君碑同

水經注亦作曲紅云山名即東連岡也昔